

A1

日羊報村

SHEEP VILLAGE DAILY



香港粵語版

七月一號係大灰狼嘅生日，
佢決定搞一場盛大嘅生日會，
仲搵嚟成日稱讚佢嘅裁縫幫手。





幫我設計件高貴嘅衫，等我生日威畀啲羊睇！

七月
1
大灰狼
生日




到咗大灰狼生日嗰日……




依件就係全世界最靚嘅衫！
只有聰明嘅動物先見到㗎！

大灰狼望啊望，都望唔到件衫。
佢驚係自己唔夠聰明所以睇唔到，
但又唔想被羊發現。於是，佢就讚裁縫：



哇！件衫真係好高貴啊！

手下們都紛紛附和。



羊村冰室

羊村餐室

羊村咖啡廳

著名咖啡

羊村咖啡

羊村咖啡

冷熱飲品

車仔麵

大灰狼著上新衫，
得威嘍嚟到廣場。

羊和荳品廠

羊村大酒樓

點知全部羊咩咩
都指住大灰狼大笑：


睇吓！大灰狼冇著衫啊！哈哈！



大灰狼好慌張噏衝返辦公室。佢都唔知，究竟係羊咩咩都唔夠聰明所以睇唔到件衫，定係佢真係畀裁縫呃咗。但為咗唔再畀羊咩咩笑，佢搵嚟羊明——《毛線新聞》嘅老闆。



羊明



幫我嘅電視新聞上面加返件衫！
再加埋羊咩咩拍手歡迎我嘅聲音，
祝我生日快樂！我會送好多好味嘅草畀你！



嘟嘟... 嘟嘟... 嘟嘟... 嘟嘟... 嘟嘟...

歡迎收睇六點半『毛線新聞』，我係你哋嘅
主播羊明。尋日係大灰狼生日，羊咩咩都興
高采烈噏幫佢慶祝。我哋一齊睇吓大灰狼件
衫幾高貴！





現場情況




不過，同一日嘅《羊村日報》就噉樣寫：



大灰狼剥光豬慶生 笑大羊個口



尋日係大灰狼嘅大日子，
點知佢竟然唔著衫遊街示眾，
惹嚟羊咩咩嘅嘲笑.....



阿媽！睇少啲《毛線新聞》啦！
你睇吓《羊村日報》先講啦！



羊小港

羊小港冇咁好氣，
繼續食飯冇再理佢。



第二日，
全個羊村都喺度傾緊究竟大灰狼有冇著衫。



大灰狼睇完《羊村日報》就好嬲，
仲叫晒啲手下嚟見佢。






點解會有篇嘅嘅報導！
搞到羊咩咩知道我有著衫！
我要《羊村日報》執笠，
仲要捉走佢咁嘅老闆！



大灰狼嘅手下去到《羊村日報》辦公室，
拎走晒啲電腦，燒晒啲報紙，
仲捉埋佢哋嘅老闆羊小占。


羊咩咩都去到辦公室外面，
喊住啲同《羊村日報》講拜拜。








自此之後，
羊村就得返《毛線新聞》可以睇。



- 是日快餐**
- A 咖喱素牛腩飯
 - B 葱油素雞扒飯
 - C 粟米素肉粒飯
 - D 豆腐素火腩飯




- 常餐**
- 素火腿/素午餐肉/素腸仔
 - +
 - 通粉/烏冬/出前一丁
 - +
 - 方包/多士
 - 煎蛋/炒蛋



但係，大灰狼嘅醜事已經一傳十，
十傳百嘅畀羊咩咩知道晒。





酒樓

冰室

羊咩咩知道大灰狼仲講過好多大話。
雖然羊咩咩揭穿大灰狼嘅大話，
就可能被捉去坐監。
但為咗未來嘅羊咩咩，
仲有其他動物可以知道真相，
羊咩咩仍然好勇敢嘅講落去。

你又願唔願意一齊守護真相？






羊村日報 / 蘋果日報

2

對應P. 9-10

1997年主權移交以嚟，香港新聞自由每況愈下。主流傳媒中充斥官方喉舌，例如中國國有嘅大公報、文匯報兩報同埋旗下小報、在港中共代理人持有嘅東方星島等大報、曾經長年壟斷免費電視新聞嘅無綫新聞等。



1

對應P. 1-2

7月1號，對港府官方嚟講係香港「回歸」中國嘅紀念日。但對原來嘅香港公民社會嚟講，本應係一年一度抗議港府施政嘅七一大遊行。2019年7月1號，抗爭者更曾突破重圍佔領立法會，象徵住港人重奪議會嘅政治想望。

4

對應P. 17-18

反修例運動之後，港府著力整肅傳媒。公營廣播機構《香港電台》停辦曾經諷刺時弊嘅節目、解僱主持。致力監察政府嘅網媒被拒絕出席港府記者會，甚至被警察搜查辦公室。



3

對應P. 11-12

《蘋果日報》係香港歷史悠久嘅親泛民主派報章。創立嘅1997年前，《蘋果日報》不諱於抨擊中共同埋港府，更一直敢於報導同宣傳六四燭光集會以及七一遊行，因而受中國同中資企業封殺。

《蘋果日報》商標 →



5

對應P. 19

港區國安法實施後，《蘋果日報》創辦人黎智英同一眾管理層相繼因「涉嫌勾結外國勢力」被捕，公司總部被香港警察肆意搜掠，公司資產亦被港警國安處凍結，最終被迫走上停刊之途。



6

對應P. 20

2021年6月24號，香港《蘋果日報》發行最後一期報紙，大批市民係凌晨冒雨去到佢哋嘅大樓外聲援，全港多區更有人龍排隊購買。當日《蘋果日報》發行量達一百萬份，全告售罄。



7

對應P. 21-22

此後，港府對新聞自由嘅打壓陸續有嚟，網媒《立場新聞》同樣因為高層陷獄而被迫停運。白色恐怖下，《眾新聞》停止運作、《端傳媒》總部撤出香港。

反修例運動以嚟，港府多番聲言有「假新聞」抹黑港府同警察、煽動社會仇恨，更揚言要立法禁絕假新聞。喺港共政權為所欲為嘅時代，不利於當權者嘅真相大概亦將背負「假新聞」嘅罪名。

我哋需要你嘅支持
將羊村繪本印成實體
讓香港故事傳得更遠

The Sheep Villagers needs your support.
We are working on a printed version to
share the stories with more people.

點擊前往 Click to Contribute

 patreon.com/sheepvillage



大灰狼嘅生日好快就到，今年佢仲特登搵嚟裁縫幫手，
要設計一件最靚嘅衫，等佢威畀啲羊仔睇。
但係當大灰狼著住新衫出街嗰陣，
竟然畀羊仔指住嚟笑！
到底依件新衫出咗咩問題呢？
太灰狼為咗唔再畀羊咩咩笑，又會諗出點樣嘅方法？

親子共讀：4-7歲
自行閱讀：7歲以上

